

夷白齋藁

卷一

白

雲

集

一

夷白齋藁卷之七

臨海陳基著

金華戴良編

律詩七言

秋日雜興五首

彈鋏歸來歎薄遊
西風吹老黑貂裘
裁詩見慰慚錢起
掃榻相延媿隱侯
擬學楚人歸種橘
虛勞蜀客望牽牛
五湖烟景依然在
還許扁舟伴白鷗

關山搖落鴈飛遲
江漢飄零有所思
倦客自憐蘇季子
故人誰問介之推
露作絳綈窓間織
風緝蟪蛄戶外絲
獨荷慈親念遊子
倚門日數歸期

江頭夕客日思家
坐覺微霜上鬢華
節序又催秋後燕
風光爭

散雨前花倦遊已夢莊生蝶不飲何憂廣客蛇怪底朝來衣袖
薄一川白露下蕪葭

一夕西風木葉飛盡梁落月淡餘輝銀燈夜照還家夢金剪秋
裁寄遠衣霜信早隨新鴈至素書深訝故人稀無回為謝東曹
掾鱸熟蓴香莫便歸

明河如練月娟娟坐對清光只自憐夜久不知沾白露夢回猶
記到釣天汝南遺老推黃憲海內諸公憶鄭虔萬里歸來無寸
補論文慚愧到忘年

寄沈仲說二首

欲采芙蓉寄所思秋江風露正離離每回見月懷玄度可但看
詩說項斯溪上燕緯華屋早搔頭魚上碧波遲太平無事差科
了歸共原泉理釣絲

野人籬落並江濱，竹裏流泉竹外雲。
好學橐駝惟種樹，莫誇司馬最能文。
小槁斜接漁樵路，落日爭呼鴈鷺群。
獨憶詠歸亭上客，又留城府思紛紛。

次韵金上人見詒

屏迹吳淞江水頭，勞君歲晚遠相求。
擬為葛井三生夢，更作曹溪一宿留。
掛錫好依黃葉寺，題詩曾到白蘋洲。
它年重約吳門道，杯酒秋風不用舟。

寄家兄敬德

庭闈一月違溫清，兄弟終年歎別離。
落日有時成獨立，秋江無處不相思。
雲邊白鴈初傳信，籬下黃花預有期。
甚欲卜居依北郭，故人誰送草堂貲？

次韵吕彦貞

西池風日何瀟灑公子不來誰共遊
樵歌漁唱互斷續山色湖光相蕩浮
經秋華屋鏘飛燕隔水好花如莫愁
腸斷濯纓亭下路籬傷猶繫散人舟

歸燕

年々此日便知歸欲去仍依舊壘飛
故國定知通碧海秋風應不到烏衣
吳宮避火驚前夢衛幕營巢悟昔非
莫咲野人門巷小杏花春雨得泥肥

用秋日雜興韵作遊仙詩五首

飛佩飄々入遠遊青藜為杖麻為裘
采芝謠逐秦遺老辟穀心期漢列侯
又見秋風歸乙鳥幾看春雨戰蝸牛
有時濯足溪頭晚一曲滄浪不動鷗

幽泉怪石好栖遲鍾鼎無勞入夢思
每把素書閑裏讀細將玄

牝靜中推溪頭斫竹栽龍琯石上栽松引兔絲去、盧敖同汗漫十洲三島與君期

鵬鷄高低各自飛龍泉何必吐光輝三株樹下曾滄玉千仞岡頭好振衣抱犢書存人見少崐崙桃熟客偷稀仙家不是無樓觀底事公孫不肯歸

中宮姪女最嬋娟何意東君不見憐貞潔正同秋後月澄清直似水中天每持玉節朝群帝自掃丹臺揭寸虔臣妾自知無所覲願君安壽樂千年

白雲深護地仙家千樹玕琪老歲華羽客穿林收桂實山童和露采松花烟梳瑤草柔如髮石走蒼藤曲似蛇記得夜來歸路險翻江風雨撼秋葭

寄玉山

江上秋陰十日多，思君不見奈愁何。
風高澤國來鴻鴈，雨入汀洲落芰荷。
公子文章裁瑞錦，美人衣袖剪輕羅。
畫船亦欲溪頭去，聽唱花間緩、訶。

次韵鄭遂昌奉謁范魏公祠

皇、卷服儼專祠，生氣渾如未死時。
天下功名韓相並，關西威烈夏人知。
英雄未盡匡君策，父老頻瞻出牧旗。
昭代尚賢嚴祀事，詩人聊得薦江蘼。

白芙蓉

生嗔青女太精神，玉立西風不受塵。
秋水洗粧朝白帝，露盤和淚泣銅人。
清涵漢武池中影，淡寫崔徽鏡裏真。
腸斷深宮舊時伴，年年、相望越溪濱。

次韵錢伯行白芙蓉

帝子西遊太液池一杯秋露為君持空令越女羞容貌不與唐
昌共本支姪姪最憐無語處風流全在半開時自移長信宮中
去學得班娘淡畫眉

婁江即事二首簡郭義仲瞿惠夫秦文仲陸良貴蕪寄
顧草堂

婁江：上樓居好滄海、頭城邑新蠻即打鼓爭起拖紋客捧
珠來售人風燈照人不數點霜月湧波才一輪人生會合豈易
得看劍引杯寧厭頻

秋風已過菊花期咲把婁東酒一卮徘徊月色樓中滿顛倒天
光水底移夢熟已知鼈背穩詩成偏憶虎頭癡明朝又鼓吳松
柁應采芙蓉寄所思

次韻仲說喜陳州方過東林隱居二首

州府尋常數往回江湖相見重徘徊
殺雞不為林宗至拜母曾期范武來
烏鳥暮栖池上樹兒童晴掃竹間苔
明朝又入城闌去一幅蒲帆帶雨開

空林風日變陰晴散策相從款
行心戀白雲飛處近眼隨孤鳥沒邊明
敢期諸葛隆中卧且學龐公壑上畊
老覺夫人才力健浩謌一曲大江橫

次韻鄭遂昌喜雪二首簡白野監司

瓊糝著地不沾塵玉樹臨風欲照人
千古賦高梁苑調一枝梅冠漢官春
占年已喜無時癘祈穀何須拜水神
却憶上番裁詔處瑤階飛絮白於銀

澤國雲同氣若蒸賦成應不為憎蠅
花間端木皆為瑞露滴金盤欲化冰
甲觀影搖鳩鵲樹銀床聲斷轆轤繩
懸知水部明於

畫錯認瑤臺皓月升

送曹宗爰

愛此丹山五色毛
絲衣初翦暎仙桃
奉親喜有銀絲餽
贈別慚無金錯刀
洲渚春深生杜若
江湖波暖漲蒲萄
王褒擬奏賢臣頌
肯學山人索價高

次韵懷彥誠

沙棠為檣木蘭橈
別後令人瘦沈腰
采蕺輭歸靈越去
栽桃重赴武陵邀
醉乘蓮葉春波闊
夢落簷花夜雨飄
猶記共游鳴玉洞
滿山明月共吹簫

次韻待琦上人不至

羨君方外得詩流
杖錫相從海上留
白鶴一聲寥廓曉
滄波千頃洞庭秋
麻門未遂龐公隱
蓮社行尋慧遠游
望佳入期不

至碧雲遙遶迴添愁

次韵懷玉山

滑：春泥滿郡城出門騎馬不堪行未能學道從緹母且復忘
憂對麴生流水小池垂釣影春風深巷賣花聲停雲賦罷心如
渴安得滄浪濯我纓

陸氏別業

窈窕西池一徑通赤闌如畫倚晴空風微燕雀飛塵外日淨龜
魚在鏡中入谷謾夸盤往渡卜隣宜住瀼西東綠陰滿地新荷
發猶豚開尊飲碧筩

寄仲說

自昔龐公少入州偶目人事亦綢繆慈烏舊止庭前樹拱木新
悲宰上秋雨露山空驚物候江湖風急滯書郵此心酷似長庚

月永夜相思爛不收

寄玉山二首

我愛玉山佳樹林草堂終歲有餘陰
巢安翡翠春雲暖窓護芭蕉夜雨深
寶篆焚香留睡鴨綵牋行墨寫來禽
萬竿脩竹休教洗日平安報好音

碧梧翠竹日扶疎長夏高堂可宴居
霄上故人時載酒山陰道士近無書
蒼頭掃石安碁局稚子穿花奉板輿
若見惠休煩問訊碧雲詩句定何如

水木清華亭小酌

柳陰門巷雨初晴蓮葉田田著處生
濁酒且容嵇州夜名詔不數米嘉榮
波紋瑩逐微風起霞彩紅蕪落日明
水木清華賓主勝莫孤詩社舊時盟

仲說留陳公原余往訪之

孝子之廬何處覓陳公原上白雲深山林不受炎歊氣雨露能
生怵惕心流水到城無二里長松出屋樁千尋慕義自昔多遺
恨三渡猶令淚滿襟

留宿陳公原

五月城東訪隱淪衡門留榻與僧隣長林爭宿此山鳥短棹獨
歸何處人松蘿繞屋月當戶楊柳夾溪風滿津杖策從今來往
熟草堂猿鶴未應嗔

題陳公原仲說所居壁

忽憶美人來碧山松挂滿林幽且閑論心合在羲軒上浪跡漫
居夷惠間夜雨思親雲氣白秋風泣血土華殷歲寒有約從諸
老采藥携藁日往還

夷白齋藻卷之七

卷之五

卷之五

夷白齋藁卷之八



臨海 陳基 著

金華 戴良 編

律詩七言

次韵鄭有道喜王李野府判南歸二首

故人日下拜官歸
河水南來侶帶圍
策馬遠游天府勝
食魚偏愛錦江肥
蠶叢故國山猶在
望帝荒祠鳥自飛
萬里欲將慈母線
芙蓉城裏製春衣

海榴花放客南歸
喬木叅雲揔十圍
綠蟻奉親浮臘味
黃羊充饌割秋肥
恩承閩國榮三釜
心切灤都望六飛
錦里它年須報政
中天風露濕朝衣

次韵伯行投贈存齋